

U skladu sa odredbama člana 20. Zakona o poljoprivrednim savjetodavnim službama („Službene novine Federacije BiH“ broj, 66/13) i čl. 1., 8. i 24. Pravilnika o obuci, certifikatu i registru poljoprivrednih savjetodavaca („Službene novine Federacije BiH“ broj, 38/15) Federalno ministarstvo poljoprivrede, vodoprivrede i šumarstva objavljuje:

JAVNI POZIV

stručnim i naučno – obrazovnim institucijama za dostavljanje prijava za organizovanje teoretske i praktične obuke, polaganje stručnog ispita i izdavanje certifikata za poljoprivrednog savjetodavca i/ili obavezne godišnje obuke certifikovanih savjetodavaca i izdavanje potvrde o pohađanju obuke

I PREDMET JAVNOG POZIVA

Predmet Javnog poziva je prikupljanje prijava stručnih i naučno – obrazovnih institucija (u daljem tekstu: stručne ustanove), zainteresovanih za organizovanje teoretske i praktične obuke, polaganje stručnog ispita i izdavanje certifikata za poljoprivrednog savjetodavca i obavezne godišnje obuke poljoprivrednih savjetodavaca i izdavanje potvrde o pohađanju obuke u svrhu provođenja Programa teoretske i praktične obuke za certifikovanje („Službene novine Federacije BiH“, broj 103/17) (u daljem tekstu: Program obuke za certifikovanje) i Programa obavezne godišnje obuke certifikovanih savjetodavaca („Službene novine Federacije BiH“, broj 103/17) (u daljem tekstu: Program godišnje obuke).

II OBUKA I OBLASTI SAVJETODAVNE DJELATNOSTI ZA KOJE SE PODNOSI PRIJAVA

Stručna ustanova može da podnese prijavu za organizovanje teoretske i praktične obuke za certifikovanje, provođenje stručnog ispita i izdavanje certifikata za poljoprivrednog savjetodavca (u daljem tekstu: obuka za certifikovanje) i/ili obavezne godišnje obuke poljoprivrednih savjetodavaca (u daljem tekstu: godišnja obuka) i izdavanje potvrde za jednu ili više slijedećih oblasti savjetodavne djelatnosti:

- 1) ratarstvo, povrtlarstvo, mehanizacija i ekonomika ovih proizvodnji;
- 2) voćarstvo, mehanizacija i ekonomika ove proizvodnje;
- 3) vinogradarstvo, mehanizacija i ekonomika ove proizvodnje;
- 4) stočarstvo, akvakultura, mehanizacija i ekonomika ovih proizvodnji;
- 5) ruralni razvoj.

III PRAVO UČEŠĆA

Pravo učešća ima stručna ustanova koja ispunjava slijedeće uslove:

- 1) ima sjedište na teritoriji Federacije Bosne i Hercegovine;
- 2) registrovana je za vršenje poslova obrazovanja, stručnih i naučnih poslova;
- 3) za organizovanje i provođenje obuke za certifikovanje i provođenje stručnog ispita za poljoprivrednog savjetodavca zapošljava ili na drugi način obezbjeđuje nastavni kadar u skladu sa odredbama člana 8. stav (2) i člana 9. stav (2) Pravilnika o obuci, certifikatu i registru poljoprivrednih savjetodavaca („Službene novine Federacije BiH“ broj, 38/15) i tačke 6. poglavlja III i tačke 2. poglavlja IV Programa obuke za certifikovanje;
- 4) za organizovanje i provođenje godišnje obuke zapošljava ili na drugi način obezbjeđuje nastavni kadar u skladu sa odredbama tačke 5. poglavlja II Programa godišnje obuke;

- 5) raspolaže odgovarajućim prostorom i materijalno – tehničkim sredstvima za provođenje teoretskog i praktičnog dijela Programa obuke za certifikovanje, kao i Programa godišnje obuke.

IV NEOPHODNA DOKUMENTACIJA ZA PRIJAVU

Uz popunjen, potpisan i ovjeren Obrazac za prijavu, koji preuzima sa web stranice Federalnog ministarstva poljoprivrede, vodoprivrede i šumarstva: www.fmpvs.gov.ba potrebno je dostaviti slijedeću dokumentaciju:

- 1) ovjerenu kopiju rješenja o upisu u sudski registar sa svim priložima, kao dokaz o ispunjavanju uslova iz točke 2) poglavlja III ovog Javnog poziva;
- 2) potpisan od strane odgovornog lica i pečatom ovjeren spisak predavača, s njihovim kraćim biografijama (podacima o stečenom zvanju - akademskom titulom, stručnim ili naučnim zvanjem) po nastavnim oblastima koje će predavati i ovjerenim kopijama rješenja o postavljenju na određeno radno mjesto ili ugovora za osoblje angažovano po osnovu ugovora o djelu, kojim dokazuje da je obezbjeđen nastavni kadar u skladu sa Programom obuke za certifikovanje i/ili Programom godišnje obuke;
- 3) ovjerenu izjavu da raspolaže odgovarajućim prostorom i materijalno – tehničkim sredstvima za izvođenje obuke.

V OPĆE ODREDBE

Prijave sa dokazima o ispunjavanju propisanih uslova podnose se u roku od 15 dana od dana objave Obavijesti o objavljivanju Javnog poziva stručnim i naučno – obrazovnim institucijama za dostavljanje prijava za organizovanje teoretske i praktične obuke, polaganje stručnog ispita i izdavanje certifikata za poljoprivrednog savjetodavca i/ili obavezne godišnje obuke certifikovanih savjetodavaca i izdavanje potvrde o pohađanju obuke u dnevnim novinama: „Dnevni avaz“ i „Večernji list“.

Prijave se podnose lično ili poštom preporučeno na adresu:

**Federalno ministarstvo poljoprivrede, vodoprivrede i šumarstva
Hamdije Čemerlića 2, 71 000 Sarajevo**

Prijave je potrebno dostaviti u zatvorenoj koverti, sa naznakom „Prijava na Javni poziv stručnim i naučno–obrazovnim institucijama za dostavljanje prijava za organizovanje teoretske i praktične obuke, polaganje stručnog ispita i izdavanje certifikata za poljoprivrednog savjetodavca i/ili za organizovanje obavezne godišnje obuke poljoprivrednih savjetodavaca i izdavanje potvrde o pohađanju obuke“
(Ne otvaraj - Otvara Komisija)

Na poleđini koverta navesti naziv stručne ustanove, tačnu adresu, kontakt telefon i ime i prezime kontakt osobe.

Neće se uzeti u razmatranje prijave uz koje nije dostavljena sva tražena dokumentacija i koje nisu dostavljene u propisanom roku.

Za sve dopunske informacije u vezi sa ovim Javnim pozivom stručne ustanove se mogu javiti Federalnom ministarstvu poljoprivrede, vodoprivrede i šumarstva, na broj telefona: 033 726 - 609 ili putem elektronske pošte: savjetodavna@fmpvs.gov.ba

Ovaj Javni poziv će se objaviti na službenoj web stranici Ministarstva (www.fmpvs.gov.ba).

VI RAZMATRANJE PRIJAVA

Postupak po ovom pozivu provest će Komisija koju imenuje Federalni ministar poljoprivrede vodoprivrede i šumarstva.

VII NAPOMENA

Federalno ministarstvo poljoprivrede, vodoprivrede i šumarstva stručnoj ustanovi će izdati rješenje o odobravanju za organizovanje teoretske i praktične obuke, polaganje stručnog ispita i izdavanje certifikata za poljoprivrednog savjetodavca za jednu ili više oblasti savjetodavne djelatnosti i/ili godišnje obuke i izdavanje potvrde o obavljenoj obuci za jednu ili više oblasti savjetodavne djelatnosti.

Stručna ustanova će se finansirati iz sredstava naplaćenih od date usluge, u skladu sa Rješenjem Federalnog ministra poljoprivrede, vodoprivrede i šumarstva o utvrđivanju visine naknade za troškove obavljanja poslova teoretske i praktične obuke, polaganja stručnog ispita i izdavanja certifikata o položenom stručnom ispitu za poljoprivrednog savjetodavca broj: 04-24/3-264/18T.M. od 23.01.2018. godine, kojim je utvrđen neto iznos naknade po kandidatu od 500 KM za organizovanje i provođenje teoretske i praktične obuke, polaganje stručnog ispita i izdavanje certifikata za poljoprivrednog savjetodavca (450 KM za organizovanje i provođenje teoretske i praktične obuke i 50 KM za polaganje stručnog ispita i izdavanje certifikata za poljoprivrednog savjetodavca) i Rješenjem Federalnog ministra poljoprivrede, vodoprivrede i šumarstva o utvrđivanju visine naknade troškova organizovanja obavezne godišnje obuke poljoprivrednih savjetodavaca i izdavanje potvrde o pohađanju obuke broj: 04-24/3-264/18T.M. od 23.01.2018. godine, kojim je utvrđen neto iznos naknade po kandidatu od 250 KM za organizovanje i provođenje godišnje obuke i izdavanje potvrde.

Broj: 04-2-2017-¹¹⁵⁹ /21
Sarajevo, 01.06.2021. godine

